



ATASSUT

UKA 2016/102-1

Steen Lyngé

03. 10. 2016

Inatsisartut suleriaasianni § 33 naapertorlugu aalajangiiffigisassatut siunnersuut matumuuna saqqummiuppara:

Inatsisartuni aalajangiiffigisassaattut siunnersuut Naalakkersuisut kingusinnerpaamik 2017-imi aningaasaateqarfimmik 4 mio koruunit tikillugit aningaasaateqartumik pilersitsinissamik saqqummiussissasut, aningaasaateqarfiup aningaasalersussallugu angajoqqaat kisermaat 180.000 koruunilluunniit ataallugit isertitalit meeraasa nunatsinni nunattalu avataani angalasarnissaat.

(Inatsisartunut ilaasortaq Agathe Fontain, Inuit Ataqtigiit)

Siullermeerneqarnera

Matumuuna Atassut-mit siunnersuuteqartoq Agathe Fontain, IA, qutsavigissavarput siunnersuuteqarneranut. Atassut-mit siunnersuut pillugu ima oqaaseqaateqassaagut.

Meeraq alapernaatsuuguni ilikkagaqarnissaminut nukissaqalersarpoq annertuumik. Meeqqat ineriartornerminni inuttut pisuunnguutissaminik sakkusaqartinneqassagunik, pisariaqarpoq alapernaatsuunerat aammalu soqtiginninnerat sutigut tamatigut aqutissiuuttuassallugu.

Taamatut aqutissiuussineq assigiinngitsugit anguneqarsinnaavoq. Ulluinnarni meeqqanut ineriartuutaasuik periarfissat assigiinngitsut atuuttut pigeriikkavut Naalakkersuisut akissuteqarnerminni assersuutitut taavaat. Soorlu taaneqarput meeqqanik paaqqinnittarfiit, atuarfiit, fritidsklub-it aammalu inuusuttunut iliarfiit.

Atassut-mit isumaqataavugut, ulluinnarni meeqqat ineriartornissaannut sinaakkutissat tassaammata aatsaanguaq taagorneqartut. Periarfissallu taakku saniatigut pingaaruteqarpoq meeqqat tamarmik periarfissaqarnissaat illoqarfisik qimallugu sumiiffinnik allanik takusaqartarnissaat. Angalaneq ineriartornermut iluaqutaasartoq illoqarfinnut imaluunniit nunanut allanut ingerlaqqaanngikkaluarluni pisinnaasoq Atassut-mit isumaqaratta erseqqissaatigissavara. Meeqqamut aammalumi inuusuttunut inersimasunullu nukissanik aallerfik pitsaasoq aammaavoq tassa pinngortitaq.

Tamassuma saniatigut pingaaruteqarpoq nunatsinni ilaqtariit atungarisaat sutigut tamatigut pitsaanagerusunik sinaakkuteqarnissaat inatsisartutut pitsanngorsartuassallugu pisussaaffigigatsiguk.

Taamatut oqareerluta Atassut-mit nuannaarutigalugu oqaatigissavarput, ullumikkut aningaasaateqarfiit assigiinngitsut periarfissiisarmata innuttaasut ataasiakkaat, atuartut angalanissaannut aammalu ilaqtariit isertitakinnerusut angalanissaminut taperneqartarsinnaanerat. Taamaakkaluartoq suli pitsaanerulersinnaanerlutigit immitsinnut aperisariaqarpugut.

Siunnersuutigineqartup tamanna apeqquut ataatsimiitsitaliamut ingerlateqqinneratigut suliarinerata takutikkumaarpaa.

Tamannalu tunaartaralugu Naalakkersuisooqatigiit pisortaniit ikiorsiissutit aammalu meeqqanut tapit pillugit sinaakkutit pitsanngorsarniarlugit suliniutit maanna aallartisarneqalersimapput.

Taamaakkaluartoq Agaithe Fontan, IA-meersumit siunnersuutigineqartoq soqutiginarillugu Atassut-mit minnerpaamik ataatsimiitsitaliamit misissorneqartariaqartoq innersuussutigissavarput. Taamatut oqaaseqarluta Atassut-mit siunnersuut ataatsimiitsitaliamut suliassanngorlugu ingerlateqqinnissaa innersuussutigissavarput.